


Huez a rechaza apelacion di abogado di Joran van der Sloot

Sinembargo PG lo coopera cu documento y grabacionnan di interrogacion



ORANJESTAD (AAN): Ayera a bira conoci cu Huez den e caso cu abogadonan di Joran van der Sloot a apela, a tuma un decision. Ta asina cu abogadonan di Joran van der Sloot a pidi pa nan haya cierto documentonan y grabacionnan di interrogacion di nan cliente, den e casi di desaparicion di Natalee Holloway.

Esaki a worde nenga, sinembargo e abogadonan a apela e decision aki. Ayera mainta abogado Carlo a haya un fax for di Curaçao,

fecha dia 22 di Augustus, unda cu Huez a dicidi di rechaza e apelacion.

Sinembargo e huez a splica cu el a haci esaki, pa motibo cu P.G a mostra cu e lo bay coopera cu e abogadonan y duna nan copia di grabacionnan di interrogacion di nan cliente, como tambe e documentonan (processtukken), relaciona cu Joran van der Sloot.

Pa e motibo aki, segun abogado Carlo, e ta satisfecho cu loke huez a dicidi.